



**R. P. Ferdinandi De Castro Palao, Legionensis Soc. Iesv,
Sacrae Theologiae Professoris, Et sanctae Inquisitionis
Qualificatoris & Consultoris; Operis Moralis, De Virtutibus,
Et Vitiis Contrariis, In ...**

Continet Tractatus De Conscientia, De Peccatis, De Legibus, De Fide, Spe,
Et Charitate

Castro Palao, Fernando de

Lugduni, 1669

Serenissimo Cosmo, Magno Etruriae Principi, Lugdunum Ingredienti.

[urn:nbn:de:hbz:466:1-76540](https://nbn-resolving.org/urn:nbn:de:hbz:466:1-76540)



SERENISSIMO
COSMO,
MAGNO ETRVRIÆ
PRINCIPI,
LVGDVNVM INGREDIENTI.

MAGNE HOSPES, REGIE SANGVIS,
Commodè ac decorè hîc diver-
faberis; Et hîc Dij sunt. Nempe
Dij Manes (vel vt castigatiùs
loquamur, Memoria perennis &
chara, assiduò mentibus locisque obversans)
Civium mille Florentinorum, quos ante an-
nos centum & triginta sinu suo excepit nostra

¶ 3 Lugdu

DE
CASTRO
PALAIO
TOM.
III
EN

Lugdunum: cùm illi, Patriæ pertæsi, sub Cosmo Primo felicitatem suam concoquere non potuissent. Vnde factum est, vt suadente animi vel magnitudine vel ferociâ, nec prohibente tritavo tuo Francisco Rege, Senatulum suum hîc instituerint, Reipublicæ Florentinæ compendium. Hoc in cœtu virorum fortium, Consul Nationis, quot calendis idibusque, ante suffragia roganda carmen initiale personabat, *Porro Quirites, libertatem amittimus! Tu sei all'estremo fiato, cara Libertà!*

Tandem emollitis odiis, perspectaque toti Europæ Principum Mediceorum virtute ac moderatione, sponte recantarunt, filiosque suos meliora docuerunt, *Perieramus, filij, nisi perissemus.*

Vtrorumque Animæ, PRINCEPS SERENISSIME, hodiernam diem felicitis Adventus tui, è cœlo prospectant exultabundæ: Et qui sub terra requiescunt cineres, pias manus expectant Aulicorum tuorum, quæ sepulchra sua Liliis Gallico-Florentinis perspergant.

Interim Vrbe totâ discurritur, eunt redeunt nostri cives, garrunt, interrogant, agunt & satagunt, CELSITVDINI TVÆ sese approbaturi: neque Te videndo expleri possunt, neque se continere quin interiorem affectum, animique devotionem vultu gestuque ostentent; id ipsum alacriter opere & obsequio confirmaturi.

Inter

Inter tot irrequietos homines, patere MAGNE PRINCEPS, vt & nos doliolum nostrum ad Te voluamus. Ex eo Tibi affundetur cœleste nectar Doctrinæ sublimis, quam celeberrimus Hispanus septem hisce tomis SERENITATI TVÆ propinat, gnarus Te horum esse sitientissimum. Doceret ille Te, nisi jam scires, Quomodo cœlo cum terra conveniat, Principibus cum Deo, conscientiæ cum sceptro. Quas calles artes in memoriam Tibi revocabit, innumerâsque ventilabit quæstiones Imperante dignas; De Principum & Subditorum mutuis officiis, De fide fœderum, De bello justo & pace injusta, De vectigalibus, De pecuniis & earum partu tam legitimo quàm spurio, De jure gladij, De præmiis & pœnis: Et quid non? Nec possit quispiam tomum aperire, quin statim oculis sese offerat materies aliqua vel Principe digna, vel viro Christiano.

Ogganniet barbarus aliquis, Quid Principi cum Libris? quid Martio Sanguini cum sanguine frigido Literatorum? Sed tacebit semi-homo Centaurus, quum didicerit, nihil ignorantia frigidius esse, nihil stupidius. Literæ temperatum poscunt, non frigidum: Asinus animal est frigidissimum: De Magnatibus autem imperitis notum est Alphonsi Regis dictærium, Asinos esse coronatos.

O quàm egregiè ab hoc opprobrio sese vendicarunt

DE
CASTRO
PALATIO
TOM.
I. II. III.
EN

dicarunt Heroes tui Medicæi! Qui cùm Patrēs Patriæ vocarentur, non dedignati sunt vocari simul Patres Literarum. Nec ipsæ fuerunt ingratae filiae; quippe quæ laudibus suis atque præconiis immortales reddidere tuos Laurentios, Franciscos, Ferdinandos, ac ingentia nomina Cosmos; duorum quoque Leonum, Clementisque Coronas novem. De duodecim autem Coronis, ac duodecimo Leone, Fata videbunt; Certè Leo latet in nomine Leopoldi; Et sicuti pollet pollex inter digitos, ita Leopoldus Leo pollens inter fratres suos.

Quicquid futurum sit, id nunc instat, ut ad propinquiora gaudia properemus. Nove Ulysses, tot defuncte laboribus atque periculis, in tua plusquam Ithaca, tua te expectat plusquam Penelope;

Laertesque senex, Telemachusque puer.

O chara capita! ô sanctum, ô augustum Ternarium! quem & insuper duplicabit optata tua præsentia, Patruisque gloria Purpuræ, & Virguncula magni Avi deliciae.

— *His sex innixa columnis*
Stat Domus Etrusca, & longos perstabit in annos:
Imperio augefcente augebunturque columnæ.

Angeli Limitanei, qui fines Italiæ & Galliæ, servant observantque, Tibi per Alpes properanti viam sternant facilem & securam; Tuæque

que Serenitatis custodes indefessi, Illam aligeris
suis fratribus & collegis, à statione in stationem,
illæsam tradant & commendent: donec ad
Apenninum tuum salvus & incolumis perve-
nias; Florentiámque, florem Urbium, Italiæ
decus, & Europæ ocellum pertingas. Illic au-
dientur populorum acclamationes, vota, plau-
sus, & exultatio. Ipsemet subsultabit Arnus,
sive spiritu quodam gaudij ipsum agitante, sive
ex fragore, quo bellica tormenta quæ Stephe-
nitæ tui Turcis eripuère, circumtonabunt.

Dum hæc apparantur, Nos minore strepitu
munusculum hoc **CELSITVDINI TVÆ** conse-
cramus; summissè rogantes, vt illud vultu ex-
cipias Tuo; id est clemente, sereno, augustè
amabili, & vt vno verbo dicamus, Medicéo.
Offerebamus Lugduni ad Ararim,

Tuæ Serenitati

Addictissimi & devotissimi,
IOAN. ANT. HVGVETAN,
& **GVILL. BARBIER.**

DE
CASTRO
PALAIO
TOM.
I. II. III.
EN